

# INUIT ATAQATIGIIT

## INATSISARTUNI



UKA 2013/18  
8. oktober 2013  
Kuupik V. Kleist

**Nuummi umiarsualivittaassap sanaartorneqarnissaanut ingerlanneqarnissaanillu siunertaqartumik aktiaateqarluni ingerlatsivimmik pilersitsisoqarnissaanik kingusinnerpaamillu UPA2014-imi ingerlatsiviup umiarsualiviullu pissutsinut nalimmassarneqarnissaa pillugit Naalakkersuisut 2013-imi suliakkerneqarnissaat pillugu Inatsisartut aalajangiiffigisassaattut siunnersuut.**

(Naalakkersuisut Siulittaasuat aamma Nunanut allanut tunngasunut Naalakkersuisoq)

Nuummi umiarsualiviup allineqartariaqarnera qularutissaanngivippoq. Ukiuni arlalinngortuni eqqartoreerlugu massakut Aktiaateqarluni Ingerlatseqatigiiffimmik (A/S) pilersitsinissamik siunnersuut Inuit Ataqtigiiit tapersorsorparput.

Taamaammat aalajangiussassatut siunnersuummi siunertarineqartut amerlanersaat aamma isumaqatigaavut kisianni aamma apeqqutinik ataasiakkaanik qulaajagaqarusuppugut aalajangivinnissaq sioqqullugu.

Inuit Ataqtigiiit-niit inassutigissavarput apeqqutit makku ataatsimiititaliami susassaqartumi sammineqassasut:

- Royal Arctic Line-mut tunngatillugu, suliffeqarfiup aningaasaqarnikkut inissimalernissaa aammalu umiarsualivimmi piginneqataalernissaminut periarfissai.
- Nalunngilarput massakut Kommuneqarfik Sermersooq-mik taaguuteqaler-nikoq ukuiuni arlalialussuarni umiarsualiviup allineqarnissaanik suliniuteqarsimasoq aammalu aningaasaliissutissanik immikkoortitaqartarsimalluni. Kommuneqarfiup qanoq akuutinneqarnissaa pilersaataava aamma kommuneqarfik piginneqataanissamat suli soqtiginnippa?
- Pingajuattut sammitikkusunnarpoq pilersaarusiap qanoq akeqarsinnaaneranik missigersuusiortoqareernersoq, aammalu allat piginneqataasinnaaneranut periarfissiisoqarumaarnersoq.
- Kiisalu tusarniaanermi akissuteqaataasimasut sukumiisumik sammineqarnissaat inassutigissavarput.

Taamatut oqaaseqarluta aalajangiiffissatut siunnersuut akuersaarparput,